

# 北洋官報

錄目

宮門抄 恩詔 上諭 交旨

奏議◎度支部奏催銷各省舊案摺△禮部奏 盤纏購  
政王金寶擬擬通金兩兩用摺△陸軍部奏備省酌保  
前辦界務人員獎案摺△甘肅升奏擬擬擬師範學堂  
公摺◎津海關道札二件△安徽巡撫會申一件△涿州黨一  
件△涿州黨一件△安徽巡撫縣票一件  
文告四則△電報七則△新聞十五則△各省要  
彙編◎造謄公司續招股本新章△涿州巡警教練所簡  
章

戊申官報目錄

本局法政官話報第二十九期現已出版仍照舊例分發順直各州縣作為宣講之資特此廣告

本日增刊戊申官報目錄

本局第九十期法政學報今日出版

## 宮門抄

今日 上諭交 旨另印單張

正月二十九日 內務府 八旗 兩翼值日 豐陞阿請假十日 麒麟請假五日 吉陞續假五日 內務府奏初七日祭 奉先殿恭王行禮 召見車機 肅王 肅王遞封奏一件

## 恩詔

皇帝詔曰自古帝王體元立極受錄膺圖豐功極於垓埏偉烈邁乎軒昊爰有鴻名上晉駿譽丕昭蓋所以垂光耀於無窮表尊親之世戴禮至隆典至鉅也欽維兼祧 皇考大行皇帝 道契淵源溯當 政敷九

踐阼之年仰稟 治奉三無 徇齊敦敏之資 學勤時敏 天生神聖 德懋日新 皇極既端有嚴有翼成章克守不 有 垂廉之訓 淵衷益懷允光 精一危微之旨 道契淵源溯當 政敷九

愈不忘泊乎 大政親裁 撫辰凝績 夙夜憂勞 德懋日新 皇極既端有嚴有翼成章克守不 有 垂廉之訓 淵衷益懷允光 精一危微之旨 道契淵源溯當 政敷九

玉漏宵聞 引對臣工 金門曉闢時廬 夙夜憂勞 德懋日新 皇極既端有嚴有翼成章克守不 有 垂廉之訓 淵衷益懷允光 精一危微之旨 道契淵源溯當 政敷九

禮拜六 第一千九百八十六册 萬宮軫念葺屋蒙加加以才俊登崇孝廉察舉風憲未

傲飭百爾之官常敦樸為先罷四方之珍貢求言置鼓進善懸旌籌海運以實倉儲十艘挽粟修河防以平水患萬

軍戰法與陣圖並習釐官制則冗員必汰訂商約則遠物畢登減刑律以去繁苛振工業以程器用墾務興而交通

域之成見信義敦於鄰國傾然猶仁恩被及華僑游情振興顯蒙啓迪大綱先立期憲政之推行與論能參

關新知之寶集艱難用濟觀聽同傾然猶仁恩被及華僑游情振興顯蒙啓迪大綱先立期憲政之推行與論能參

嶺斯鞏億萬千歲之昊天不弔悲深弓劍之遺號百辟卿士僉言允符昭告皇仁永戴九土輪誠謹命諸王

論曰社稷先師於宣統元年正月二十八日敬奉冊寶恭上兼祧地皇考大行皇帝尊

以現在品級已得封贈外著照新銜封贈一在滿漢文武大小官員俱各加一級一在外藩蒙古王公以下各

內有革職留任及降級罰俸者咸與開復又在京官員現在議降議罰者悉行豁免一節該管官細加查訪確具事

實奏聞禮部議定以憑旌表其一各省道路橋梁間有損壞者著地方官查明修理以利行旅一各處養濟院所

有鰥寡孤獨及殘疾無告之人有司留心以時養贍勿致失所一現在內外監候審審及于戲隆名允受垂萬系以

釋休闈澤覃施普八紘而錫福布告天下咸使聞知宣統元年正月二十九日於戲隆名允受垂萬系以

奏議錄要

度支部奏各省舊案擬請截清年分勒限開單報銷摺

奏為各省舊案擬請截清年分勒限開單報銷摺仰祈聖鑒事竊以清理財政自以考核現款為要圖而尤

必先以銷結舊案為入手臣部奏定清理章程第一條即以截清舊案編訂新章為第五條內載各省出入款項

截至光緒三十三年年底止概作為舊案各省舊案歷年未經報部者分年開列清單併案銷結等語誠以舊案不

截清則款目易於混淆不銷結則帑項無從稽考此一定之理也查各省報部核銷之案往往任意玩延有遲至數

年者有遲至十餘年者壓閣益久造報愈難即從前業經報銷之案或行查而未據聲覆或駁減而未經彙刪年復一年案復一案上屆未聲覆則下屆仍須行查前案已駁刪則後案無憑遽准塵蹟山積紛如亂絲故現在欲清理財政非先將舊案勒限銷結終無著手之方惟查向來報部冊式倍極繁細其冊籍或至百餘本及數十本之多今欲將陳年積壓之案立限掃數報銷若仍令其分造細冊則時日既迫亦恐趕辦不及未免強以所難臣等公同商酌款項固須核實辦法無妨變通相應請

旨飭下各省將軍督撫等遵照臣部奏定清理財政章程第五條各飭將光緒三十三年以前未經報部之案分案據實開造詳細清單限於宣統元年十二月以前陸續送部核銷勿庸開造細冊以期速竣其歷年奉部駁查未經完結各案將何項必須變通何項漏未立案何項尚可酌量核減何項礙難遵照刪除各情由限交到三個月內一律查明報部由臣部酌量情形奏明分別銷結俾天下曉然於朝廷銳意更新破除隔閡欺隱之積習而相見以誠庶足以立清理之始基而為憲政之大本如再遲延不報致逾期限則是有意延宕臣部定行指名嚴叅以為玩視奏章者戒抑臣等更有請者立法固貴乎寬用款必期於實此項舊案既經准其開單報銷寬其既往而各將軍督撫等受國厚恩亦當念時會之艱難款項之不易實用實銷毋得稍涉浮冒其歷任經手人員如有侵蝕等弊即須破除情面叅追完繳倘扶同徇隱蒙混銷結或別經發覺或臣部派出監理各員訪查得實定將朦銷之員奏明加等治罪以儆官邪而重庫款所有各省舊案准其開單報銷各緣由恭摺具陳是否有當伏乞

皇上聖鑒訓示遵行謹 奏宣統元年正月十四日奉 旨依議欽此

禮部奏恭鑄 監國攝政王金寶謹擬變通金兩動用鑄造摺

奏為請 旨事查臣部會同內務府造辦處恭鑄 監國攝政王金寶例用五成金三百兩由內務府支領於光緒三十四年十二月十六日具奏奉 旨知道了欽此欽遵鈔錄原摺咨行內務府迅速給發在案前准內務府

文稱本府廣儲司銀庫庫內金兩無存於光緒三十四年十二月二十七日隨時遞 奏由 內討領五成金三百兩定於十二月二十九日發放等因前來臣等是日派員赴庫承領旋據該員聲稱內務府發給十成金一百五十兩於本部例案及內務府原文成色數目均屬不符無憑承領當即片查內務府將遞 奏金兩成色並折給數目

實重若干原摺鈔錄聲覆去後旋據覆稱查本府金兩一項前曾奉 旨由內討領歷經遵辦在案此次仍係

照案具 奏隨時由 內討領當經 交下原封十成色金一百五十兩卽已備文請領茲准前因謹恭錄同治八年 傳諭移咨至於如何折數並非本府擬請率行定奪無從聲叙其如何辦理之處行文禮部查照舊案辦理等因臣等查鑄造親王金寶舊例係用五成金三百兩又鑄造寶印凡餘剩金銀由內務府領出者繳還內務府

由戶部領出者繳還戶部各等語此次恭鑄 監國攝政王金寶自應按照舊例辦理現准內務府文稱由 內討

出十成色金一百五十兩自與舊例成色分兩不符實屬不敷鑄造臣等謹擬變通辦法由度支部再行發給紋銀

一百五十兩配搭鎔化五成色金二百兩方能鑄造惟鑄成後餘剩五成色金兩既係配搭鎔化礙難分繳內務府

及度支部可否由臣部庫內存儲備用之處臣等未敢擅擬恭候 命下臣部行文內務府度支部遵照迅速給發到部會同造辦處趕緊鑄造所有變通金兩動用緣由是否有當伏乞 聖鑒訓示謹 奏宣統元年正月二十四日奉 旨依議欽此

陸軍部奏遵議滇省酌保前辦界務出力人員獎案摺 奏為遵 旨議奏事內閣鈔出雲貴總督錫良奏酌保滇省前辦界務出力人員請獎一摺光緒三十四年十一月初五日奉 旨該部議奏單併發欽此欽遵到部除文職應由吏部辦理外查滇越勘辦界務完竣曾於光緒二十三年經雲貴總督將出力人員按照異常勞績請獎在案此次滇緬交界孟連南壘江江洪湄江一段與洋員

照約修立界碑歲事該員等歷著勤勞與前案事同一律懇准給獎光緒三十三年五月初五日奉 硃批准

其酌保數員勿許冒濫欽此茲經該督將出力各員奏請獎叙並將履歷咨送前來臣等詳查此案既與從前勘辦

界務相同自應查照成案准照異常勞績核議查定章異常勞績准保免補免選又加銜限制四品不得逾三品五

六品不得逾四品各等語今單開孟連宣撫司刀派永請加宣慰司銜角董士千總罕華相請加都司銜均核與定章相符應請照准惟罕華相尙未承襲土千總應俟准襲後再加都司銜留滇儘先恭將楊清請免補恭將以副將儘先補用該員履歷內開河西夷匪肅清案內於光緒二十九年由儘先遊擊保以恭將留滇儘先補用查此案經臣部議覆改為俟補遊擊後以恭將留滇儘先補用該員遊擊既未補缺自不得遽照恭將升階請獎應改為免補

遊擊以泰將留滇儘先補用所有滇省勘辦界務請獎緣由理合恭摺具陳伏乞  
皇上聖鑒訓示遵行謹 奏宣統元年正月十二日奉 旨依議欽此

### 陝甘總督升允奏設立優級師範學堂片

再查甘肅省城原設有速成師範學堂經兩次畢業核其程度僅足供初小學堂教員之選嗣復於光緒三十二年  
就蘭山書院改設優級師範學堂學生即由各屬申送仍舊照簡易科辦法迄今已屆兩年本年春間開學於舊額  
八十名外再添四十名作為選科豫科生分甲乙兩班甲班係舊班學生在堂已習簡易科二年乙班則或由中學  
調取或係照章考選資格尚屬相符惟定章至少須滿二百人此次學額較為減少實因各屬中學開辦未久合格  
學生挑選良難不能不酌量變通力求實際至本年豫科課程有限所有教員尙可統全堂以施講授若明年開辦  
選科學科共分四類茂矩崇規至為繁雜自非添聘教員不敷分配茲擬將甘省前送京師肄業師範生二人俟本  
年冬月畢業咨調回甘俾盡義務並咨明學部轉飭大學堂監督就此次京師師範班豫秦晉三省畢業生中挑選  
曾習理化博物天文地質等科者各一人咨送來甘充當教員薪水合同另商聘訂其實驗器械標本等項已派員  
由滬採購定於明春開學一切科學悉遵定章教授總期造就中學以上之師資用以仰答 朝廷育才之至意  
據署甘肅提學使陳曾佑詳請 奏咨前來奴才覆核無異除將各表冊咨送學部查照外謹附片具陳伏乞  
聖鑒謹 奏宣統元年正月二十三日奉 旨學部知道欽此

### 公牘錄要

#### 津海關道札議事會文

為札飭事本年十二月二十四日准海河工程局函稱接准來函以據天津縣議事會申稱案據葛沽村舖戶寶隆  
號等二十八家船戶公發順等十四家呈遞說帖內稱海河工程局於沿河一帶分設水尺以規水勢惟葛沽水尺  
安設河灣停泊船隻碼頭大小船隻往往誤觸致將水尺傷損船戶均須出資修理據情函致援照鹹水沽遷移之  
例酌量擇地遷移等情申請酌核辦理等因函致查照核辦見覆等因准此查此事似可照辦惟現屆封河之際未  
便移動俟明春開河時由傅工程司派人前往該處商同寶隆號等家究應遷移何處為合宜即可遷設以順輿情

相應函覆即希查照飭遵爲荷等因准此合行札飭札到該會即便知照此札

又札議事會文

爲札飭事前據該議員等具中以德國推廣租界內稱民產墳地德領事禁止葬墳請詰問等情到道據此當即札飭德租界委員核辦去後茲據該員等稱當經前往德署會商一切現據克領事面稱查德國劃佔推廣租界注意開闢鐵路目下鐵路尙未擬定該地仍歸業戶執業且德工部局僅於三義莊等處人烟稍密之區安插巡捕以資保護洋商而於西鄉曠野之地未設巡捕何由禁阻華民入境埋墳所稱李家花園東某墳主派人埋棺致被德捕阻獲等情本領事苦不知曉姑勿庸論嗣後該推廣界內各墳地德國既未發價收買仍屬中國管轄之地應聽中國官府管理當飭工部局以後該界地戶入境埋墳概不阻攔等語據此理合備由稟覆查核備賜批飭天津議事會轉諭填主知照俾安幽魂而順輿情實爲公便等情前來除批示外合亟札飭札到該議員等即便查照轉諭各地戶一體知照此札

天津縣議事會申學台重訂議董兩會與勸學所劃清權限辦法文

爲申請專案查議事會議定議董兩會與勸學所劃清權限辦法一案蒙前任學憲盧批開來申敬悉仍希與勸學所會商洽決再行立案較爲圓美等因遵此當即移知勸學所請定會議日期嗣據勸學所函稱所定辦法間有與奏章未能符合之處做所不能率然承認等因到會議員等於本月十九日特開臨時會一日當查該所所稱與經該所總董林兆翰認爲可行無不洽決之處茲特繕摺備文申請憲台查核伏希批准立案以便遵行所有會商重擬議董兩會與勸學所劃清權限辦法緣由理合申請憲台查照施行實爲公便須至申者

謹將重行議定議董兩會與勸學所劃清權限辦法四條開呈憲鑒 計開 一官立公立私立各男女學堂統由勸學所經理 謹按此條係仍勸學所舊制所有稽查功課延聘教員選擇勸學員等事應照 奏定章程仍歸勸學所經理受地方官之監督 一議事會於地方學務有議決事件移知本縣知縣請由本縣知縣交勸學所施行 謹按此條係遵奉 督批以盡籌議推行之責但議事會議決事件遇有越其權限或違背法令及學部定章者

勸學所得照章稟知本縣知縣交議事會另議若仍不改其議得請提學使決之一辦學公款歸董事會經理謹按此條係遵照條例第十四條擬定查勸學所學款以清丈公所廟租爲大宗今已歸董事會經收又地方公款公產已經稟明作爲自治經費是向由勸學所經理之款應一併由董事會經理以歸劃一向由勸學所籌出地方公款須遵原案仍作學務經費至以後學務逐漸擴充須由董事會擔任籌款之責以期教育普及一勸學所經費公立男女小學堂經費及私立男女小學堂補助費以公款支給辦有成案及經議決者由勸學所預算數月報告於董事會交由議事會核准後照章支領報銷謹按此條所有辦學公款既歸董事會經理則預算報告核准報銷自係應辦之事惟將來學務款項必須歲有增加教育方能普及如一時實無他款可籌應按照現在學務款項收入照數撥用

### 涿州駱牧育焜稟創辦巡警教練所文並批

敬稟者竊維巡警責任關係重要凡盜賊疾疫之未萌爭訟鬪毆之將發及一切養民保民諸政均與閭閻休戚息息相關且值預備立憲之初警察尤爲起點自非熟諳警章難期勝任愉快卑職於上年九月曾將卑州辦理學務警務改良辦法擬設巡警教練所稟蒙憲鑒在案當經邀紳籌辦於城內巡警總局附設教練所嗣以地勢狹隘講堂光線有碍操場院落未宏於教練未甚合宜又經商諸卑州警界各紳擇有南關保清寺廟宇地勢寬闊屋宇爽塏即於光緒三十四年十二月初一日改設開辦遵章設所長一員由卑州兼充設教務庶務各一員書記一員教習二員所丁二名均遴派公正紳董及深明警學者分任而理惟卑州城鄉總分各局現時勸辦巡警祇一百三十九名若全行入所教練當此冬防吃緊深恐地面空虛不足以震攝奸宄保衛民生當與各紳再四商酌均擬遵照民政部定章警兵以一百名爲額分爲甲乙兩班入所教練每班以半年爲修業之期半年爲畢業之期甲班修業發往各局區實地練習繼調乙班入所教練乙班修業再調甲班輪流訓練均扣足一年爲畢業之期期滿稟請警務處委員會同考試合格者給予文憑專作本地地方巡警之用一切規則均遵照民政部奏章辦理如此變通訓練於地方不至空虛閭閻得保衛之益而各警實地練習於所學更不至託諸空談至需用各款除由各局區認繳警兵學費外不敷之款再於犯賭犯煙各項違警罪認繳罰款酌量提撥撥節動用不另派分文以期警政日

修正副憲台保安斯民之至意所有卑州創辦巡警教練所情形理合將擬訂試辦章程造冊稟呈 大帥查核  
立案俯賜批示祇遵實爲公便肅此具稟恭敬 勛安伏乞 垂鑒

督憲楊 批稟冊均悉仰警務處查照飭知繳

普州夏牧詒垣稟嚴禁書差吸煙文並批

敬稟者竊光緒三十四年十一月初一日奉禁煙局札飭令即查明募賓親友善差人等如染有嗜好並未禁斷者  
立即勒令戒除淨盡等因蒙此伏維百政恪遵 功令首自官場萬民能否奉行繫乎衙署况鴉片遺害燭毒相同  
卑職先訓忝承家規久禁又兼素性所惡於煙爲尤甚需次省津遇朋僚醅嗜者流規勸且曾見罪雖在私厲於僕  
叢投薦察有煙色即予屏除此次奉調之初訪延募友及投荐家丁防之尤嚴收之倍慎刑錢募賓先廷章友國奎  
嗣因上贊 憲募現聘代庖之張友修誠均係立品方嚴賦性英爽其副陶駿亦屬端潔雅馴佳士之稱均可無愧  
書啓募賓莫友聖鐘昔曾有煙近已敦勸戒除此外親友黃鴻綬吳祖培二名亦均利害深明少年有志至家丁十  
一名惟誤收張玉一名嗣經查出旋即驅逐是宅門以內實無煙癖之流其書吏差役吸煙者頗不乏人於到任之  
初即按名察訊於捏飾隱諱者立予試驗數時呵欠頻仍繼以涕泗旋亦難掩當即予限勒戒現惟年老懸深尚未  
一律依限其癮淺者已有數名奮勉戒除並將久成錮疾難望自新之吏房經書劉霽霖東房經書劉雙鎖先後斥  
革以儆其餘除仍不時密查如有欺飾隱匿及陽奉陰違情弊再行分等懲戒外所有奉查卑職內幕賓親友家丁  
均無嗜好其吸煙之書差已先予限勒戒緣由理合覆陳稟請 大帥查核肅此具稟恭叩 勛安伏乞 垂鑒  
督憲楊 批據稟已悉仰禁煙局查照飭知繳

安徽涇縣稟整頓警政與團防相輔以靖地方文並批

敬稟者竊查舉辦警政爲當今之第一要義地方之治安人民之秩序戶口之消長風俗之美惡祛除積習維持公  
益層層相因關係甚大全視辦理完備與否分別效果之有無冬防在即此巡警團防不可不亟求整頓者也知縣  
到任後分別諭飭認真辦理前奉憲飭又經出示曉諭並諭四鄉紳董妥擬改良章程據實稟辦在案伏查涇邑城  
內向有巡警局一處東鄉之榔橋河南鄉之茂林都西鄉之章家渡北鄉之馬頭鎮各設分局一所精神雖未完備

而巡士等之體操步法站崗偵探均已逐漸改良官督紳辦照章實行是以竊劫各案比之往年較少此其明效卑縣境地遼闊山林叢集其聚族而居者如大成鳳村九都長樂豐東永甯里仁青東泉北雙浪包村等都圖歷辦團防章程甚爲完備民知自衛辦理均極得力本年又經知縣迭次諭飭其原辦章程內未盡妥善者改之能擴充者擴充之冬防伊邇全賴團防嚴密各自爲衛庶可補巡警之不足惟與青陽太平南陵等縣交界處所重山峻嶺匪徒易於潛蹤已由知縣諭令於團防支更守望之外各部加派偵探數人晝夜輪流巡邏俾各都聯絡一氣其餘清查戶口嚴防奸宄悉仍其舊循名責實防範嚴密外匪自無敢覬覦知縣雖係署任地方緊要不致稍存五日京兆之心查卑縣共三十二都有巡警團防者已居多數似此嚴密佈置督令各紳一律認真實行不准稍事敷衍總期辦一事即得一事之益俾商民安謐藉以聊盡職守並以仰副憲台痼疾在抱除莠安良至意但事貴躬親耳聞不如目見現已與涇太縣丞陸鈺晤商數次擬不日於催科查案之便分赴各鄉親自抽查察看有無效力分別獎勵以昭懲勸敬請 勛安肅稟

皖撫朱 批查閱所擬章程尙屬簡明果能慎選紳董實事求是並由該縣隨時稽察懲勸兼施不涉敷衍地方自獲又安仰巡警道轉飭遵照

### 文告錄要

農工商部批示○廣州商務總會總理稟 批稟悉與甯商務分會總理廖雲濤已屆任滿既據該會員公舉續任以資熟手相應照准附去札文一件仰即轉飭祇領可也○撫甯縣村董張連申稟 批據稟已悉各省當舖皆有一定規條通行已久無礙於民未便強令更改轉滋紛擾所陳改作公當請爲代奏之處應毋庸議此批督憲批示錄要○津海關道稟之眾島設立檢疫分卡房租各費請歸入前案辦理按年支銷由 批據稟已悉候咨呈 外務部查照備案此繳○晉州夏牧詒垣稟設立統計處由 批據稟已悉仰調查局查照飭知仍飭認真經理此繳

督憲牌示○國制百日外期滿由二月初一日未刻起闔屬文武換穿藍袍元青褂不挂朝珠

附錄天津官事○候補道馬觀察吉森奉 督憲札委幫辦磁州礦務局差使

# 電報錄要

路透電○英國德爾漢地方温斯田利煤礦崩炸洞口火勢甚猛失陷礦工三十六人

又電○英國新魚雷艇司威夫德號現在克萊德地方試驗成績每小時航行三十六海里

又電○華盛頓消息美國議院某議員提議將海軍表改訂擬將海軍各艦調一半停泊太平洋聞美總統久有此

意所改之表議院必能贊成

又電○唐欽使現由倫敦啓程赴巴黎

柏林電○德國報紙極力稱述英皇演說和平之詞并謂此次英皇遊歷德京英德兩國邦交必更親密又聞英皇

擬於西三月四號由喀理斯地方經過前往巴黎一遊然後再往法國南部各處遊歷

又電○土耳其新首相希洛米氏催促將奧土協約從速訂妥聞布加利亞內閣各大臣在底爾納瓦地方提議訂

立新法使布國得以自立現俄政府催促土政府承認俄國提議財政之辦法以便付給布國賠款

又電○法國前任駐德國公使納利士侯爵逝世

# 新政紀聞

政治

實行調查戶籍○甯藩樊方伯前經端午帥委為地方自治局督辦日來按期到局商諸局員擬照憲政編查館頒

布九年預備章程逐條實行惟調查戶籍為先務之急特議定辦法分委委員尅期辦事力矯從前因循敷衍之

弊云

擇地開辦調查局○鄂省漢陽府曹太守允源前奉省憲札飭舉辦調查局為地方自治之基礎茲已擇就署之東

偏衙神祠一帶屋基略加修飾為該局辦公之所所有常年經費暫在新關雜款內動支

外交

呈請保護遊歷外人○津海關道呈和國商人何文齡由津赴直隸山西兩省遊歷又俄屬蒙古人希臘諾夫由京

搭坐火車赴哈爾濱滿洲等處遊歷又英商禮而義薩維樂米澈樂廓喀等由津赴直隸內外蒙古遊歷各等情

除咨行外務部暨各該省大府外并札飭所屬照約保護矣

咨請保護遊歷教士○督憲准山東撫台咨開案據濟東泰武臨道沈道廷杞申稱光緒三十四年十二月二十二

日准德國領事函送本國牧師魏彼得偕其夫人由泰安前赴山東山西直隸江蘇各處遊歷等因已札飭所

屬妥為保護矣

學務

擬辦玉泉初等小學○浙省玉泉場大使以新充東西兩舍灶戶鄭通德鄭世鶴頗知公益各於認繳課釐之外每

年捐助學堂經費四十千文兩共八十千文當即商同就地辦學紳董暫假縣城姜忠公祠為校舍名曰玉泉場

官立初等小學堂招生四十名每年收學費二元藉資彌補此外不敷隨時另籌接濟一面延請已在師範傳

習所領有修業證書人員充當校長暨科學教習訂明半盡義務分別酌送修薪堂中課程規則遵照奏定章程

參酌就地情形妥訂簡明規條至修葺齋舍置備校具一切開辦經費均由大使捐廉應付

稟請改辦完全師範○贛省九江師範簡易科學生已於去冬畢業出堂現擬改辦完全科師範日前該堂監督已

稟請府尊轉詳學憲矣

民事

查明不領牌照各戶○直隸禁煙總局查出南皮縣不領牌照各吸戶開列於後 瞿文升 孫玉山 尹大鴻

姜文林 楊大 李桂芬 陳樹元 陳玉恒 李洛五 高洛四 高品三 楊同占 楊二 楊三 楊慶

于恒升 張殿五 郭廷秀 王馬 劉慶和 范文成 高仁甫 孫捷三 孫英三 孫玉書 高煥卿

高慶 孫玉山 姚玉隆 李奎 楊華軒 余兆慶 余五 祁玉章 祁張氏 陳殿林 張世榮 劉

長令 張齡福 高連書 劉占文 高成藝 尹承緒 包大發 殷立臣 呂照林 朱瑞亭 楊玉山

王守業 殷瑞廷 繩吉林 霍雙林 李長春 韓長 韓奎 戈振東 陳洛二 劉清和 范文成

李振元 韓奎 王洛二 孫洛三 任洛三 王士田 李洛二 谷永圖 谷八十 谷九成 谷二

谷二 谷元慶 程忠孝 霍文舟 趙永春 李五 趙五 王晉 刁俊臣 趙太 孔保 劉龍祥

許心正 李樹堂 王茂山 朱香閣 張常 張硯農 張云成 楊化成 白萬青 白德升 白祥  
 張會廷 孫長升 宣二龍 梁玉田 孟長福 黃龍 李龍 楊奎 劉相臣 杜松橋 妓女金鈴 楊  
 有 楊二 劉朱氏 劉和尚 王金氏 丁玉山 劉玉順 劉青安 郭三奎 郭安 戴超北 郭秀  
 峯 姜保良 侯松廷 張星五 以上共計未領牌照吸烟男婦一百十九名

實業

籌款開辦蠶桑局○鄂省漢陽縣李大令以蠶桑為實業之一部分特籌集鉅款在大校場設立蠶桑局一區一面

派人携資赴浙江湖州購辦蠶種桑秧教以飼植之法以圖利源刻已具稟督院查核矣

開辦墾牧公司○閩省漳州水土肥沃最宜樹藝農業等事去臘林紳式揚昆仲組織墾牧公司曾集得資本金十

萬兩聘訂東京農科卒業生張君為總理並請代購東西洋各種菓木籽種擬徹照西法廣為栽植現張君已由

東回厦前往漳郡開辦矣

農事試驗場之辦法○粵省農事試驗場前經陳道擇地派委籌辦擬先購東西洋之農產品在場之中點擇地陳

列並附貯農務農學各書報凡留心農事及農民均准入所考求研究俟籌辦稍有頭緒即札行各屬將氣候土

性之所在農產之良窳夏秋收入之豐歉各項植物之種類售出價值之高下均一體調查列報其有新理新法

新種植等皆送交到場以期依學理試驗如有成效即行一體佈告以資農民研究

路 稷

稷請變通鐵路橋梁○淮北湖販源盛長等前因津浦鐵路所造橋道於臨淮關鹽運大有妨碍稷請變通辦理當

經運憲趙都轉批准轉詳江督端午帥核示茲奉批示云查臨淮一帶航路為淮江鹽船必經之地津浦鐵路擬

在該處造橋該販等深慮橋孔低狹鹽船往來諸多不便自係實情應如何變通辦理期於路政商船兩無阻碍

仰候咨商督辦津浦鐵路呂大臣酌覆飭遵

招股開採煤礦○贛省九江府屬瑞昌縣境萬山綿巨礦苗極旺現探得該礦山有硬煤煙煤等種由丁憂前浙江  
 縉雲縣知縣范紳傳衣等發起創立公司命名曰瑞興煤礦有限公司遵照商部新律暨礦務章程辦理擬定招  
 集商股資本九八制錢三萬串分一千股每股計錢三十串由股商公舉總理經理聯名稷請江西礦政局批示  
 遵行並向九江商會注冊云

上

諭

正月二十九日內閣奉

上諭肅親王善耆奏籌備海軍基礎一摺所奏不爲無見方今整頓海軍實爲經國要圖著派肅親王善耆鎮國公載澤尙書鐵良提督薩鎮冰按照所陳各節妥慎籌畫先立海軍基礎並著慶親王奕劻隨時總核稽察以昭慎重俟規模大定再候諭旨鐵良任重事煩著開去專司訓練禁衛軍大臣之差俾得專心學畫以固邦圉欽此

上諭朱家寶奏查明屬員優劣據實舉劾一摺安徽安慶府知府豫成蕪湖縣知縣沈寶琛調署亳州知州饒遠縣知縣李維源署理建德縣知縣試用直隸州知州張贊巽署理蒙城縣補用知縣王樹鼎署理壽州知州補用知縣馬宏圖署理靈璧縣試用知縣袁勵衡試用通判蔣汝中既據該撫臚陳政績均著傳旨嘉獎宿州知州張守誠捕務懈弛難期振奮署理合肥縣補用知縣鄭秉璘縱丁需索被控有據署理黟縣補用知縣羅寶瀛丁役弄權兼有嗜好署理涇縣補用知縣包惠疇性耽安逸公務頹廢均著卽行革職無爲州知州彭名保治行平常不勝繁劇著開缺另補績谿縣知縣張廷權久病誤公事權旁落著以原品休致婺源縣丞劉燧章聲名狼藉兼有嗜好太湖縣白沙巡檢郭秉璋舉動乖謬兼有嗜好宿松縣小姑巡檢焦延禧貪鄙嗜利物議沸騰宿州時村巡檢張作霖利慾薰心罔恤名檢署理無爲州土橋巡檢試用巡檢李澡惠藉端科斂兼有嗜好前署祁門縣大洪巡檢試用巡檢姚源輕佻喜事不治輿情均著卽行革職餘著照所議辦理該部知道欽此 監國攝政王鈐章 軍機大臣署名

交

旨

正月二十九日 軍機大臣欽奉

諭旨內務府奏三月十二日

德宗景皇帝梓宮奉移

山陵暫安各衙門需用車輛自行發價僱覓其

內廷傳用車輛及本府各處需用車輛仍咨行順天府僱覓一摺著依議欽此

五有查核賬目文件銀錢貨物之權

第三十七條 董事不得兼充查賬人

第三十八條 董事每月會集二次如有要事亦可開臨時會議

第三十九條 本公司現舉宋君則久嚴君次約王君春江為董事

第六章 查賬人

第四十條 有查核賬簿賬單以及現存銀錢貨物之權

第四十一條 查賬人不得兼充董事

第四十二條 股東對於公司賬目有疑慮時可詢問查賬人查賬人有據實答覆之務

第四十三條 本公司現舉林君墨青王君子清為查賬人

第七章 經理工廠長技師

第四十四條 經理管理工廠買賣銀錢賬目及進退人位各事

第四十五條 工廠長專理製造部各事並監督技師及職工

第四十六條 技師專理配料製造及運轉機器等一切皆與工廠長商辦

第四十七條 工廠長技師遇有各項事件須與經理商酌然後施行

第四十八條 經理所辦各事皆商承董事局辦理

第八章 附則

第四十九條 此章程如有未曾言及者皆遵 欽定大清商律股分有限公司章程辦理如有未盡妥善之處

亦可於大會時公議更改

第五十條 工廠長暫由董事嚴次約君擔任不分餘利亦不支薪俸

第五十一條 本公司招股處如左 天津開口本公司 天津估衣街敦慶隆 天津四棵樹嚴宅 北京農工

商部工藝官局陳敬韓先生

涿州創辦教練巡警所簡章

第一章 總綱

第一條 巡警教練所以造就巡警資格爲宗旨

第二條 巡警教練所區域擇定設立南關保清寺廟內

第三條 教練所經費除籌款補助外無論大小局區於各局警款內每月認繳洋二元以爲警兵學費至長警原餉仍由該分局照原定數目交付總局轉發教練所作爲該警兵飯費每月飯食即由所內派人經理如有盈餘之款至月終仍由本所發給該警兵不得尅扣惟該分局不得於此外另給該警兵津貼或雜費等事以節糜費至現時款項艱難在事各員均盡義務不支薪水惟教員常川駐所應每月給予飯費洋十元書記一員應每月給予飯食薪水洋六元所丁二名每名每月給予工食錢十吊均自行起火除書籍與圖紙張筆墨茶水柴炭等項及警兵在所飯食由原餉開支外餘均不准開支公款仍按月由庶務員將所中全月用款榜示局門并申報州署查核

第四條 教練所肄業各警以年在二十歲以上三十五歲以下身體健全粗通文理者爲合格不合格者不得與選

第五條 警兵入所教練照章本應以一百名爲定額惟此時正當冬防吃緊之時若照章調撥恐不足以資保衛

應暫分爲甲乙兩班每班定爲五十名半年爲修業之期半年爲畢業之期甲班修業訓練乙班乙班修業訓練甲班輪期教授使之實地練習藉資經驗

第六條 入所教練長警雖分班教授仍以一年爲畢業之期

第七條 入所教練各長警無論何時均須服定制之服不得任意以崇體制

第二章 學科

第八條 教練所課程遵照定章其應習學科如左 一國文 二警察要旨 三 大清違警律 四政法淺義

五地方自治大意 六本處地理 七操法

督憲楊據工藝局詳陳列所第三次招考工業情形札

飭登錄官報文

礦政調查局詳商人稟辦磁州礦產應否照准請示遵

文

奉天農工商局呈請督院預算經費文

初十日

直隸調查局詳續訂辦事細則文

津海關道札飭天津商會招商承領運糧護照文

赤城縣羅令毓祥稟學台設立教育會兼送章程文

十一日

憲政編查館咨覆內務府呈 進書籍文

又咨覆直隸總督報費毋庸扣成文

又咨覆直隸總督添寄官報文

農工商部咨覆東撫吳漁業公司測繪事宜文

天津商會稟曲陽煤礦擬添修小枝路以便運銷煤斤

文

保工局稟山東等省華工郵款請分咨轉發文

十二日

陸軍第四鎮稟小站新營附近減水河淤塞請飭營田

局趕緊修復文

山東府經歷孫染汁上撫院條陳農務文

十三日

北洋客籍學堂監督孫主政雄詳請整頓學規并預備

組織高等班懇添撥經費文

保定府清苑縣會稟本城各行均愿行使銀元文

天津縣紳士王劭廉呈學台懇辭禮學顧問文

十四日

北洋女師範學堂詳簡易科學生畢業派充各處教習

文

直隸賑撫局照會天津商會招商平糶文

署東撫吳札飭農工商務局議覆劃一幣制文

十五日

督憲楊准陸軍部咨請飭天津工程局承辦 萬壽

山宿衛兵房用款造冊報部札飭工程局遵照文

學台盧准學部札飭各屬填報學務統計表文

天津南段總局傳知各局區查禁奸商招搖礦務文

又傳知各局區稽查吸煙賣煙牌照文

河間縣傳令激源詳覆土藥出產及行銷數目文

十六日

督憲楊准陸軍部咨調軍官充補貴胄學堂教習札飭

第四鎮遵照文

提學司詳督憲請撥憲法研究所常年經費並還借款

文

天津商會呈巡警總局東北馬路可否仍准擺設小攤

文

十七日

督憲楊准農工商部咨請查明礦商是否殷實公正札

飭宣化縣遵查具覆文

藩司詳覆派委查緝私運銅元平減銀價候示文

直隸礦政調查局詳遵擬礦商各種單冊式樣請查核

咨部文

十八日

督憲楊准郵傳部咨東三省派員赴直東勸招墾戶請

減船價札飭招商局遵照文

天津審判廳詳刪改巡警局違警罪目文附清摺

十九日

天津府自治局詳遵改自治學社章程文

津海關道詳留美學費改用金價文

直隸賑撫局詳派員前往東西大沽查放春賑文

二十日

連司詳各商請領買鹽支單所呈鹽價銀帖據綱總具

稟係屬虛文擬免開送請查核批准文

又詳明官辦津武口岸暫發護票護運文

趙州學董李牲炎稟學台臚舉成績暨已辦未辦各事

文

升任運司凌詳商人賣鹽價值請援京引章程按時核

算文

又札飭天津武清兩縣曉示津武口岸鹽價應照成案

分銅元制錢為兩種價目文

二十二日

督憲楊准出使日本大臣咨直隸遊學自治紳畢業回

國札飭提學司查照文

督憲楊准熱河都統咨請會勘礦界札飭遵化州遷安

縣遵照文

隆平縣李令國楓稟初級師範二班畢業援案請獎文

奉天視學員蕭令鴻鈞稟督撫兩院條陳復州設治事

宜文

二十三日

督憲楊准稅務處咨請查明經過各關卡棉花情形札

飭司道農務工藝局遵照文

直隸警務處詳遵飭考驗河間縣傳習所畢業學生文

霸州周牧登曝新城縣王令錦陽為職員捐地助學議

加租項應照何處錢色交納稟請學台示遵文

# 欲為諮議局議員者鑒

總發行所 上海商務印書館  
 館分設 奉天 濟南 開封 重慶 長沙 廣州  
京師 天津 太原 成都 漢口

今年九月各省開辦諮議局 議員責任繁重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論七角 法制經濟通論二角 政法理財講義五角 日本法制要旨一元 日本明治法制史九角 政治講義五角 法律經濟辭典紙面五角 法規大全解字四角

◎憲法書 政治學及比較憲法論二元 憲法研究書一元 憲政論五角 日本憲法義解三角 本預備立憲過去事實五分 立憲國民讀本三角 日本議會法規四角 議會政黨論五角 十六國議院典例五角 日本議員必攜角八

◎地方自治書 日本議會法規四角 議會政黨論五角 十六國議院典例五角 日本議員必攜角八 地方自治淺說三元 此外政法書之尤重要者 法律 有則日本法規大全 陸市政論四角 地方自治財政論五角 地方自治淺說三元 之尤重要者 法律 有則日本法規大全

◎政治 日本六法全書一元 比較國法學一元 行政法汎論一元二角 萬國國力比較二元五角 嚴復政治通論一元 嚴復羣學肆言一元 嚴復羣己權界論一元 財政 有則經濟通論七角 理財新義五分 英國社會通論一元 嚴復羣學肆言一元 嚴復羣己權界論一元 財政 有則經濟通論七角 理財新義五分 英國

◎度支考 外國債論三元 計學教科書一元 理財學講義四角 計學淺訓二角 教育 有則日本明治學制沿革史五元 歐美教育實際二元 德國學校制度一元 警察 有則警察講義錄五元 雖卷帙較繁 議員苟有餘力而兼治之 則受益無窮矣 尙有諮議局章程箋釋四角 諮議局章程要義五分 諮議局調查須知五分 諮議局選舉須知一角 諮議局章程表解三元 尤人人所必讀 無待贅言也 (河北大胡同電話五百二十六號)

◎史 歐美教育實際二元 德國學校制度一元 警察 有則警察講義錄五元 雖卷帙較繁 議員苟有餘力而兼治之 則受益無窮矣 尙有諮議局章程箋釋四角 諮議局章程要義五分 諮議局調查須知五分 諮議局選舉須知一角 諮議局章程表解三元 尤人人所必讀 無待贅言也 (河北大胡同電話五百二十六號)

◎查須知 五分 諮議局選舉須知一角 諮議局章程表解三元 尤人人所必讀 無待贅言也 (河北大胡同電話五百二十六號)

## 天津商務印書館廣告

# 啓新洋灰有限公司廣告



啓者本公司係承唐山洋灰公司創設新廠歸併舊存之老廠擴充辦理  
 名啓新洋灰有限公司稟奉北洋升督憲袁咨准農工商部註冊立案  
 年購到外洋最新式機器全副去臘業已開機所出之灰據西商部尚  
 考驗拉力結力俱高出外洋之貨且機器加大出灰足敷主顧購用  
 之缸磚花磚洋灰瓦水溝管管子等項無論零交易均可本公司總  
 設在天津海大道英租界先農公司對面並於北京烟台上海漢口等  
 分處銷藉廣招徠如蒙訂購交貨無不從速至價廉貨高久爲中外  
 所信用不待贅述所有本公司各種磚瓦等件尺寸重量式樣及夫概  
 刊華洋廣告光顧諸君請向本公司索閱價值一切亦可接洽也  
 得待風一千三百九號

# 啓新洋灰有限公司舉行股東會議

敬啟者本公司現屆第二次派利謹擇於二月十六日  
 下午二點至六點鐘舉行股東會議座設海欽道英租  
 界本公司總理處務祈有股諸君於是日未刻  
 臨集議爲盼  
 本公司謹啟

# 以奉聞 日本最近政學調查記廣告

近來游歷日本冠蓋相望日記一書浩如煙海求其見聞確實鈎玄纂要者每不多觀膠州  
 馥齋觀察承項城袁樞相之命赴東攷察政治游歷匝年於政治議會察裁判  
 監獄軍事學務農林漁業鐵道銀行無不各有心得洞見源流是以載筆成書原原  
 本本網羅無遺復經日本大隈伯爵高田博士贈以序文推其典麗翔實得未曾有自  
 嘉應黃氏之日本國志德清傅氏之日本圖經外得此而二久爲各當道稱許現當  
 預備立憲時代有欲研究政學者乎曷手一篇耶所印無多賜顧者請速購爲盼  
 寄售處 天津河北獅子林北洋官報局 及各大書坊 定價大洋一元四角

寄售處

天津河北獅子林北洋官報局  
新考工場內路南教育圖書局

及各大書坊 定價大洋一元四角

# 京師自來水公司提前付給官利廣告

查本公司定章二月會議三月付利原為年終結賬贏餘紅利諸待核算現在創始工程正在開辦股東會尚未成立且未開市售水並無紅利可結現蒙 上諭督憲按照奏案籌撥官款保息以昭大信業已如數撥到爰將各股東自交股之次日截至光緒三十四年年底所有應得八釐官利提前付給茲特與天津銀號商定代付官利辦法凡各股東有願在京城取息者不論當初係在本公司交股或在天津銀號商定代付官利辦法願在外埠原交股處取息者聽惟此埠股東或願改赴彼埠取息者須預先一個月到原埠掛號聲明以便知會所指之處屆期照付免致不能接洽現定京城自正月十六日起外埠自二月初一日起請各股東攜帶息單分別到各該處支取息銀特此廣告再所有股票業於年前分寄各交股處倘有未經換取者請股東持收條迅速往換附以奉聞

## 付利處天津銀號住址

天津北馬路 張家口下堡大新店內  
 北京東安門外 上海北馬路後馬路興盛棧內  
 保定北大街 漢口永寧巷上首胡同昇首飾店對過  
 唐山大街路南

## 烏利文洋

本行開設天津上海香港志呢華海參歲等處均設立有年諸班貨物由外洋本機器廠自造  
 蘭洋鐘皮套鐘天文坐掛等鐘以及金銀夾金銅鋼等表約有二百餘宗並各樣表鍊金鑲珠寶  
 鑽石戒指耳墜鐲子表墜大小八音盒並留聲器匣單雙桶千里眼磁磨花穿衣鏡妝梳洋鏡  
 大小皮包法國洋號又新到轉盤換調話匣八音盒價值格外從廉仕宦官商九顧者請移玉紫竹林法租界本  
 行面議可也 本行主人啟

## 武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額  
 磁銅料器瑤藍 奇巧美術玩器 日用雜貨俱全 學界文房用品 旋行攜帶等件  
 精工裝身物料 定織各色蓆氈 如蒙官商光顧 價值格外從廉 貨多不能備載  
 本行隨便入覽 電話一千三百七十四號 天津法租界 武齋洋行謹啟

# 京奉鐵路廣告

啓者查直東各處貧民每年春間赴東三省一帶充作小工人數衆多祇以火車票價稍昂多係舍車徒步本局格外體恤減收票價歷經辦理在案茲訂於正月二十五日在天津軍糧城塘沽各車站賣票至營口或新民府瀋陽每人收車脚洋三元另印專票交由該站長公司售賣並飭不准額外需索惟此項買票搭車之人必須實係小工不准夾帶客商希圖取巧該小工等每人祇許隨帶小包行李一件本局屆時派員在各該站並沿途隨時訪查如查有冒混或半路輾轉售票情事輕則照章究罰重則送由地方官懲治其各凜遵特此廣告

## 天津銀號廣告

本銀號代辦直隸公債所有光緒三十二三十三三十四第一二三三年各期應付本利銀兩業經照數分付並廣告白各在案茲值本年宣統元年正月杪爲公債第四年第一期滿給還本利之期凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各項稅捐已詳請督憲照奏准章程通飭各屬不准留難需索務即持票對取現銀毋得自誤再如有本埠上三年到期未經支取各票本利銀兩亦可至本銀號驗票續發特此佈告

## 保定法政學堂新收官班開課日期廣告

本堂於光緒三十四年冬月經 藩憲以津保初次考試候補人員共取列三等八十名送入本堂肄業現屆開學之期舉凡考列三等各員限自登報日起至正月月底止一律親身來堂報到以便於二月朔日授課並查明員數攤分津貼如逾限不來堂報到即不能再行籌給津貼慎勿遲延自誤除函託 清苑縣 天津縣分別傳知外特此奉告

## 工商演說廣告

啓者二月初三日晚八鐘至十一鐘仍在東宣講所內演說工商各項要理並請劉巨川先生演說生財有大道論何子琴先生演說工業上圖畫之學不可缺之理顧石臣先生演說歐美之工業教育李子鶴先生演說商業興衰繫乎人才宋則久先生演說商業之精氣神務希 各工商屆時 惠臨入聽不取分文特先佈告 天津勸工陳列所謹佈